

lis notatae sunt, adeoque in tota cute depictas videoas ac insculptas serpentum variorumq; animalium figuræ. Aures tribus foraminibus perforatae sunt, ex quibus suspendere solent ea, quæ in deliciis habent. Viri autem angues viridis flavique coloris ex auribus suspendunt, modo mortuum glirem: alii alam avis capite gestant: alii pellem excoriati falconis, aut peregrinæ cujusdam avis. Caput humerosque picti incedunt radice Pocone, cujusque forma pictusq; habitus maxime adspectu terribilis est, laudissimus habetur. Domicilia sua prope fluvium, aut fontem exstruant. Ea ex arborum ramis inflexis, & colligatis, constant, & mox arborum corticibus operiuntur, ea densitate, ut ab injuriis ventorum, frigoris, caloris tutissimi sint, tantarum aularum habitatores. Faciles esse ajunt partus uxoribus suis, quarum summa in liberos observatur *soror*. Viri venando ac pescando vivit, reliquias operas ac labores, texendi, serendi, metendi, plantandi, mulieribus mandant. Cymbulas habent ex solido ligno, igne excavatas, etiam conchis, quibus adustas partes abradunt. Feminæ ex arborum corticibus, cervorumque nervis filant, uti & certo gramine, quod *Pemmenauw* vocant. A quacunque re malum quid sibi metuunt, illam adorant, nempe ignem, aquam, fulmina, tonitrua, tormenta bellica, majora ac minora, equos, &c. maxime vero diabolum, quem *Oke* appellant,

eumque non quod ament, sed metuant, religiose colunt. Ejus imagines terribiles in templis ostentant. Deo suo habitu similes sunt sacerdotes. Altaria habent, *Pascorances*, in agris, in quibus sanguine, adipe cervino, ac tabaco sacra faciunt, quoties à bello ac venatione domum revertuntur.

Primus colonos eo mittere instituit Bartholomeus Goynold, qui cum tantæ rei socios sibi adscivisset Iohannem Smith, necnon è nobilium ac mercatorum numero aliquot, à rege impetravit, uti rerum Virginicarum Senatus in Virginia, ac Britannia constitueretur, penes quos summa esset rerum potestas, negotiorumque administratio. Hi eò misere cum tribus navibus *Christophorum Newport*, qui anno 1606, mense Decembri solvens, post plurimas calamitates, aërisque incommoda, tandem ad promontorium *Cape Henry* appulit, iustratoque quod primum occurrebat flumine, ibidem sedem fixit, domos condidit, valloque cinxit. Mox & novi coloni submissi in subsidium priorum, anno 1607. At sequente anno, qui fuit 1608, subiit Smithum cupidio ulterius has terras pervestigandi, quare lecto littore, cuius promontorium est *Cape Charles*, sinum ingressi sunt, insulamque *Russells* detexere, & ulterius progressi ad littora Orientalia sinus devenere, fluminaque ista supra de scripta invenere.

*Qui primi
eo colonos
misericordia.*

F L O R I D A.

Regio unde dicta.

Situs.

*Solifertili-
tas.*

Florida (ut obiter etymon ejus exquiram) appellationem habet, quod ipsa Dominica palmarum reperta sit, quam Hispani suo idiomate *Pascua de flores* vocant. Inditum ei hoc nomen à Ioanne Pontio Legionensi. Alii, inter quos Thevetus, alio referunt nominis originem, nempe quod tota viridis floridaque sit, stratis etiam undique herbis viridianibus; sed penes authorem sit hujus rationis fides, cum nusquam ab aliis consonantia tradantur. Ab incolis *Iaguasa* dicebatur. Circumscribitur hæc provincia latissimis finibus, ab ortu Bahamam & Leucayas insulas habet, in occidente Mexicanæ provinciæ terminos attingit, à meridie Cubam & Iucatanas terras respicit, excurrens in modum Isthmi ad centum passuum millia, quaque angustissima est, triginta milliarium latitudinem occupat. In Septentrione supra Floridam sunt Canada, Virginia, Avanares, & Nova Francia. Regio satis amena est & omnium fructuum fertilis. Magna incolis annonæ cura; maizium *America.*

Martio & Iunio serunt, tertio dehinc mense matrum colligunt, ac in publica horrea reconidunt, mox singulis pro cuiusque necessitate & dignitate distribuunt. Aliis præterea & quidem variis fructibus beata, moris, cerasis, castaneis, uvis, mespilis, prunis speciosis quidem aspectu, sed insciti saporis. Sunt & radices ipsis *Harle* dictæ, ex quibus in annonæ penuria panem conficiunt. Animalia producit varia, cervos, hinnulos, capras, ursos, leopardos, lupos, canes sylvestres, lepores, cuniculos. Nec desunt volatilia, pavones, perdices, psittaci, columbae, palumbi, turtures, merulæ, cornices, accipitres, faltones, ardeæ, grues, ciconiæ, anseres silvestres, anates, corvi aquatiles, aliæque multæ id genus. Ingens hic crocodilorum copia, cum quibus assidue bellum gerunt, & tamquam adversus armatos undique circumfusos hostes, in perpetuo metu excubiis vigiliisque sese tuentur. Sunt & varia genera serpentium, atque animal quoddam leoni Aphricano haud absimile. Habet denique peregrinum quoddam vulpi persimile, sub ventre loculo quodam ceu sacco munitum, qui & aperitur & clauditur, ut foetus editos excipiat, cumque iis pericula effugiat. Mansit hæc provincia postquam à Ioanne Pontio detecta esset ad tempus intacta, nemitte sibi Imperium.

I illam